

雷波廳志卷之十九

祠廟志

至聖先師廟在南門內嘉慶三年署通判方懷萱集貲創
建十六年通判達崇阿率訓導鮮于薰照磨陳朝鼎
培修櫺星門泮池兩廡等處至光緒十六年通判施
毓齡同普安營參將謝金誥集貲培建正殿後殿櫺
星門泮池工未竟施主病卒十八年通判秦雲龍復
集貲庀材修補完竣並添建名宦祠鄉賢祠於櫺星
門外

雷波廳志

卷之十九

祠廟

一

通判達崇阿記
仰維

聖人之道大矣儀範百王師表萬世後之欽奉者陳以兩
楹之俎豆崇以數仞之宮牆漢唐以來未之有改我

朝覃敷文治隆重
先師令各州府縣俱立賢宮定以春秋祀享貴賤如一無

地或缺惟雷波

聖廟之修建設未久嘉慶戊午方別駕莅任茲土鳩工庀
材經數月而落成其規模輝煌固已煥然一新矣未
幾風霜剝蝕牆宇坍塌每朔望瞻拜深用惕然竊思
事創於始每賴守成之有人當此廟制傾頽不思力
為捐修怠惰因循莫此為甚夫今之人其誰不沐
聖神之功化者而日習不知甚矣夫人之自外於名教也
吾竊惑焉嘗見佛老之術世道人心何關輕重而一
心敬信必為創寺院傾囊指困雖滅頂然身而不惜
意以為禍可禳福可求也然當日者漢武不免輪臺
之悔梁武弗救臺城之灾宋徽莫挽漠北之轅可知
二氏之學於人何補至聖如孔子者牖民覺世作斯

民之耳目開百代之愚蒙智愚賢否皆歸範圍顧視之漠然若與己渺不相涉是則菲薄聖教不如佞佛好道之為切也豈不謬哉爰告士庶惟以正誼為先共破慳囊大襄盛舉其閒廢者修之缺者補之則前為創者後為守所當重其事而不敢忽也由是制度輝煌凡人而思教者觸目警心家絃戶誦士氣文風蒸蒸日上安在文翁典型不又於此地見之乎是為記

崇聖祠 在文廟後與前殿同建

名宦祠 在文廟內光緒十八年通判秦雲龍集貲新建

鄉賢祠 在文廟內光緒十八年通判秦雲龍集貲新建

武廟 在城東南雍正九年提督黃廷桂建同治中通判

楊澤溥參將韓廷貴林耀龍先後培修

雷波廳志

卷之十九 祠廟

二

黃廷桂記

皇上撫御寰宇仁漸義摩聲教所訖無遠弗届凡夫跂行喙息之倫孰甘自棄於光天化日之下者蠢茲犛蠻性同狼豕在昔叛服不常頃者戊申之歲米貼土婦陸氏悖法跳梁而雷波土司楊明義勾通結覺阿照諸夷肆行盜掠時余職任提督事務奉命統戎行用張撻伐仗

天威而遵宸算未浹三旬殲厥渠魁焚巢掃穴一洗氛祲綏靖邊徼復

皇仁寬其脅從安輯無辜當雷霆震懾之餘沐以雨露涵濡

之澤莫不匍匐懽呼永世無貳一切善後機宜殫心

俞允余周覽進勦經由之地見夫雷波一境左挾冕越右跨

六詔前拱建南後衛敘馬羣山扼險金沙劃界誠腹裏之屏藩要荒之隘區也爰相度形勢築城郭修營壘設流官規畫既成邊鄙晏然事半功倍又如是之

上

關聖帝君歷朝累加顯號今

速恍有神助伏念

以來又復追封三代解州洛陽皆設博士春秋祭享

備極尊崇維此蠻疆無異中夏特虔構廟宇是經是

營大門三間正殿後殿如之配以廊廡繚以周垣計

日落成規模宏敞余肅將瞻拜因憮然曰

關聖浩氣英風卓絕千古廟祀之典不獨通都大邑巍峩

煥赫即燁道蠻荒咸昭誠敬且月之朔望營衛諸員

於此宣講旃裘魑結之眾靡不環拱敬聽嚮風慕義蒸蒸然共

沐浴於太平德化之盛焉夫捍禦疆圉撫字百姓則

官斯土者之責而默佑於上俾雨暘時若歲獲豐穰

民歌樂土者維

神之力也蓋以

聖天子在上則百神効靈我

皇上文德武功光被四表普天率土莫不尊親今輿地日拓

邊陲蕩平瞻雲就日之下兵息民安當共慶郵隆於

億萬斯年矣余中心懼忤敬獻匾聯用志永久竝序

雷波廳志

卷之十九

祠廟

三

顛末壽之於石

文昌宮

昔在城外東山離城二里同治六年署通判彭

兆蘅以廟建在山規模狹隘且祀期往返形迹倉皇

未足以昭誠敬爰擇廳署右學署舊址集貲另建為

記鑄諸石

彭兆蘅記

雷波在蜀之西南隅叢爾巖疆素號僻陋百餘年間

仕宦學業聲明文物無所稱意者山水險惡鍾毓無

靈地有以限之而汶汶至是與抑亦人事之培成有

未盡善也子下車伊始周視城垣因登南城樓望西

南諸山爽氣如挹對岸峯巒秀麗層疊朝拱東插一

峯如屏橫障之金江下流縈迴似帶山水停峙交映

若此此而曰地不產材夫將誰欺後於朔日循舊例

謁先師廟並展禮諸祠見

文昌帝君廟在東山之麓地既荒遠廟宇亦極狹隘因念帝君以孝友之德闡苞符之蘊佑啟人文化成天下凡有血氣莫不尊親而邊地荒涼其崇奉而祠祝之者僅若此宜神之不享地之不靈人材之不出也予以藐躬忝為民牧凡事之切於吾民為職分所當盡者罔不次第修舉况興學校禮神明感通幽明肇開文運尤非一時一事之利若因陋就簡固而安之其何以盡予守土者責也爰擇城內正街昔年學署舊址地勢面南宏敞氣脈融結乃集都人士而謀之僉曰此善地也鍾毓靈秀妥侑神靈於斯為稱遂集數百金建正殿一楹抱廳三間廳之東為朝房門外照牆一座以六年春經始至秋落成廟貌輝煌丹靑炳耀庶幾展誠敬薦馨香通真宰之靈啟文明之運濟濟多士從此登桂籍躡青雲名宦鄉賢連躡接軌無非帝君之默相裁成而為予之所厚望也謹序

社稷壇 在城南一里築土為壇高二尺一寸縱橫各二

雷波廳志

卷之十九

祠廟

四

丈五尺出陛各三級繚以周垣飾以丹堊雍正十一年建

神祇壇 舊未立壇但附先農壇合祭

先農壇 在城南門外道光十二年通判郭輝翰建

雩祭 無專壇即先農壇合祭

禋祭 無專壇祭時乃設

八蜡壇 無專壇祭時乃設

厲壇 在北門外一里

城隍祠 在城內東南隅雍正九年普安營游擊鄂世威

衛守備胡漪創建乾隆四十八年通判蕭應昌增修
咸豐元年通判李清晏捐廉培修正殿兩廊等處
川主祠卽李王祠 在城東偏道光二十二年建光緒十
七年通判秦雲龍培修

按李王名冰在秦時爲蜀太守因江水時爲民患
廼鑿山導江灌溉成都等縣稻田沃野千里其功
績載在史記漢書歷歷可考蜀民安全樂利百世
蒙庥崇德報功建祠以祀是今之川主實秦之李
冰允無疑義乃世俗崇奉多言灌口二郎考灌縣

雷波廳志

卷之十九

祠廟

五

志書載冰治水時有使其子二郎除水怪鑿離堆
穿內外二江灌溉稻田等語遐想其時冰爲蜀守
凡治江導漑皆職守所關實應主成其事而二郎
以侍父餘閒代襄淘灘築堤諸務亦理所應有在
灌人目覩二郎之勤勞故歸其功於子在史家詳
核政績官守在冰故歸其功於父父作子述均可
信而無疑雍正五年四川巡撫憲德疏稱川嶽效

靈請

賜灌口廟祀李二郎封號以光盛典後奉

敕封李冰爲敷澤興濟通祐王李二郎爲承績廣惠顯英
王令地方官立祠致祭父子並祀實爲不刊之典
而世之愚夫婦妄援演義謂二郎爲天帝之甥此
雖委巷俚談未足又道然事關祀典疊奉
綸章當亦有司之所宜更正者也

火神祠 在城南雍正九年提督黃廷桂建

龍神祠 在城內東偏道光十九年通判劉耀庚建

昭忠祠 原建在城隍廟後咸豐元年通判李清晏建光
緒五年參將邵永齡通判余上富移建於白旗廟右

雷波廳志

卷之十九

祠廟

六

呂眞君祠 在北門外垂珠洞右嘉慶二十五年通判陸
成本建

劉公祠 在城東龍神祠內祀故廳主劉公耀庚道光十
七年逆夷大亂危幾不保公莅任募勇擊賊勦撫兼
施諸夷畏服乞降事平稟請添設營汛並改建石城
民戴其德立祠祀之

附生祠記

雷波自置廳以來官茲土者多賢父母然保民之善
聽訟之明則我劉公爲尤最公姓劉氏名耀庚字申
甫中州項城縣人也生應異徵長蜚雋譽綺歲登拔
萃科
廷試授甯陵司鐸歷任唐縣教諭庚午登賢書上游引

重薦膺民社道光十年選慶符令下車卽修考棚興
文教才由敏見德以誠孚一時有水晶燈籠之譽丙
申卓薦北上丁酉旋蜀卽分校秋闈比以雷波裸夷
蠢動制府以公有捍禦才調襄軍務權攝廳篆運籌
帷幄動合機宜是年被蹂躪後中澤嗷嗷流亡過半
公請蠲免錢糧復加賑恤全活甚眾吁百蠻屏迹因
聞揚抗之威名萬姓安居深感劉隨之惠政次年擢
雷波別駕加司馬銜因報銷晉省逆夷乘機剽掠當
是時也雷故無城賊遮道而來土垣三版亦危甚矣
適公旋任徵兵募卒散粟分財礮車槍煙中親冒矢
石者三晝夜俾夷不得肆其毒萬民咸相慶曰微公
吾儕之骨朽矣小范老子之胸中甲兵寇萊公之爲
北門鎖鑰檀道濟之爲萬里長城皆足以禦侮於無
形而屈人於不戰者公與古較何多讓焉公慮猥性
無常如射影含沙將藏而復出也非築崇墉何以恃
而無恐乃力請制府蘇公修建城垣鳩工庀材竭蹶
心力閱十月而功竣廳西有三稜岡馬頸子者山勢
崔巍爲雷波門戶請設汛添兵以資保障從此民生

雷波廳志

卷之十九

祠廟

七

安堵億萬年無疆之福皆公賜也且念羣生瘡痍未
復不忍以兵差徭役重累雷民凡有所需均一肩任
先是雷波應試半屬冒籍公則捐廉贖金置腴田徵
租以作歲科兩試費而積弊永除昔儲敦敘宰福州
有惠政民爲立祠今公之治雷恩旣洽於樹棠威復
行於拔薤平來雀角咸訟神君彈罷絃歌同稱茂宰
是公之功德過於敦敘使報不及福州將何以酬高
厚於萬一耶爰公建生祠以誌甘棠遺愛且並臚列
德政恭鐫於石以垂不朽

盛公祠

在東門內祀參將盛公世祥道光二十年逆夷

亂後公到任卽協同廳主劉耀庚辦理夷務添設營
汛邊圉肅清其功在民故立祠以祀

附生祠記

都督大人盛崑圍皖江望族也先曾補弟子員旣而

志班定遠志試武試輒冠軍爰由守戎歷官陝東西
足迹幾遍塞外所在有聲遷蜀左綿州都閫薦擢參
戎戊戌冬攝篆普安值裸夷未靖公威德兼施且於
月之朔望親率弁兵宣講

聖諭無倦

人盡知方諸夷乃不敢蠢動又力請大府添營汛
築城堡環以拒之今雷屬士民安堵無虞胥公賜也
先是雷學應童子試科歲多冒考公與前通守劉公
籌捐金置田以除之而民亦知學蒸蒸然有不變風
焉昔寇萊公為北門鎖鑰檀道濟作萬里長城類皆
具文經武緯才登斯民於衽席者取而方之其奚讓
今陞阜和都督行有日矣士民等僉議鐫額懸頌以
其固辭者再故寢然葵忱終無罄也因敬書經緯二
字額而祝之以切景仰並誌戴德不忘之意云

關王廟 在黃螂司城內明萬曆十七年建因擒獲安興

夢神授以方略故建廟祀之至我

雷波廳志

卷之十九

祠廟

八

朝雍正六年提督黃廷桂重修勒石為記

聖

天子

黃廷桂記

御極之六年雍正戊申天宇所覆地維所載氈裘卉

服之區鑿齒雕題之域來享來王悉主悉臣顧茲米

貼土婦陸氏以虺蜥畏罪不能自縛就戮遽敢要結

黨羽跳梁山澤余時提督軍務率諸營將士奉行

天討旬日之閒深入蠻箐行列陣布旗明甲耀未盡厥武所

向率服一二醜類莫不俘獲誅殲藁街懸首以宣示

國威俾震懾之餘又憫其頑愚宥其脅從蓋殺伐既張

與之更始而黃螂土司國寶遂以其地內附余因夷

情歸化相度形勢見黃螂一隅實為黔越咽喉戎瀘

藩衛乃陴險隘築哨堡建城池設戍部歷歷善後俱

聞又伏思

關聖帝君廟祀徧萬國精靈彌六合義勇蓋三分我

神聖相繼

威武張大湛恩汪濊聲教所訖無遠弗屆是

帝君之威靈

朝廷之德化兼容並包齊觀等量爰崇其廟貌昭其祀事禮制之隆侔於東魯每月之朔望營衛得於此宣講

聖

諭夷氓拱聽以成一道同風之盛且冀神之默存感應與

國家懷柔綏服之意胥為表裏其荷神之庥曷有極歟廟創始於某月日告竣於某月日屋

成若干楹垣周若干尺輪奐既新堂皇既飭室宇有嚴廊廡有秩漢夷具瞻罔不祇肅遂額曰

關帝之廟且敘次顛末勒石垂遠他如工力財用之數供億董事之人則紀於碑之陰云

白旗廟 在城東偏乾隆初年普安營兵征勦夷匪至黃

茅岡煙霧瀰漫迷惑失道三日不能出後見山中似

有人行前一白旗為引導後隨數人隱約類夷裝身

雷波廳志

卷之十九 祠廟

九

軀豐偉隨之行倏然不見遂得大路軍士生還感神

靈庇佑因建祠以祀名白旗廟廟內奉三神像年少

白皙寬面大耳俗又名為大耳神疾病祈禱屢有靈

應相傳其神為黑龍太子云 馬邊廳志黑龍池去城東五十里在煙遮山下

其池濶約一里中有神物明初有夷民娶婦路經池畔一時陰霧迷空風雨大作冰雹齊發親迎人夫俱

被打散約二三時天復晴明其新婦莫知所之至三日後復於池畔得見詢之云與神物交媾賜有黑龍

帕一幅且囑云可生三子後果孕年餘一胎舉三子今敕封黑龍太子神罡大王是也

